


REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

Në bazë të neneve 11, 12 par.12.2 shkronja c), 16 dhe 17 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës, nr.28 e datës 4 qershor 2008, neneve 8, 12 deri në 16 të Ligjit për Financat e Pushtetit Lokal Nr.03/L-049, Gazeta zyrtare e Republikës së Kosovës nr. 27 e datës 03.06.2008 si dhe neneve 9 dhe 20 të Statutit të Komunës së Lipjanit 1Nr.110-623 të datës 26.09.2008, Kuvendi i Komunës së Lipjanit në mbledhjen e datës 29.03.2018, miratoi këtë

RREGULLORE
PËR NDRYSHIMIN DHE PLOTËSIMIN E RREGULLORES PËR TAKSAT
KOMUNALE 15Nr.011-17239 TË DATËS 05.04.2016

Neni 1
Qëllimi

1.Qëllimi i miratimit të kësaj Rregulloreje është ndryshimi dhe plotësimi i disa dispozitave të Rregullores për taksat komunale 15Nr.011-17239 të datës 05.04.2016 (në vazhdim të tekstit: Rregullorja) .

Neni 2
Plotësimi dhe Ndryshimi i dispozitave të Rregullores

Me këtë Rregullore ndryshohet dhe plotësohen nenet 2, 6, 8 , 9 dhe 14 të Rregullores së cekur si vijon:

1). Te neni 2 , numri rendor 8 – Taksa për marjen e pëlqimit për mbrojtje nga zjarri – fshihet.

2.) Neni 6 paragrafi 2 riformulohet si vijon:

1. Nga pagesa e taksave nga paragrafi 1 i këtij neni, janë të liruar:

- anëtarët e ngushtë të familjeve të dëshmorëve dhe të zhdukurve të UÇK-së

- anëtarët e ngushtë të familjeve të viktimave civile të luftës së fundit në Kosovë
- invalidët e luftës së UÇK-së
- veteranet luftëtar të UÇK-së
- shfrytëzuesit e të drejtës të asistencës sociale dhe
- personat me aftësi të kufizuara të kategorizuar me vendim mjekësor.

2. Nga pagesa e taksës në numrin rendor 13 –Lëshimi i kopjeve të dokumenteve që i posedon arkivi, për çdo faqe të shkruar nga 0.50 €, janë të liruar pensionistët.

3.) Neni 8 – Taksa për pronësinë e automjeteve motorike, paragrafi 3 riformulohet si vijon:

3. Të liruar nga pagesa e kësaj takse për automjetet që i kanë në pronësi, janë:

- Organizata e veteranëve të luftës të UÇK-së,
- Shoqata e Invalidëve të luftës të UÇK-së,
- Shoqata e familjeve të dëshmorëve të luftës të UÇK-së,
- anëtarët e ngushtë të familjeve të dëshmorëve dhe të zhdukurve të UÇK-së
- anëtarët e ngushtë të familjeve të viktimave civile të luftës së fundit në Kosovë,
- Kryqi i kuq Komunal,
- invalidët e luftës së UÇK-së,
- veteranët luftëtar të UÇK-së,
- shoqatat për përkujdesje të personave me aftësi të kufizuara dhe personat me aftësi të kufizuara të kategorizuar me vendim mjekësor.

4.) Neni 9 - Taksa për vendosjen e objekteve lëvizëse në sipërfaqet publike, paragrafi 2 riformulohet ndërsa shtohet një paragrafi i ri paragrafi i 4 me përmbajtje si vijon :

2. Lartësia e obligimit përcaktohet për kohëzgjatjen e shfrytëzimit të sipërfaqes publike e përcaktuar në lejën për shfrytëzim për objektet lëvizëse, si vijon :

Nr.	EMËRTIMI DHE VEPRIMTARIA	BAZA	SHUMA
1	Paisjet për shitjen e akullloreve, pijeve freskuese, duhanit, pofkave, misrit, gështenjëve dhe të ngjajshme. Ngarkesa llogaritet në bazë mujore	m ²	5 €
2	Shfrytëzimi i sipërfaqëve para objekteve të biznesit për veprimtarinë e cila është e lejuar të ushtrohet edhe jashtë objektit dhe për ekspozimin e mallrave të lejuara. Ngarkesa llogaritet në bazë mujore.	m ²	1 €
3	Konstrukcionet për lojëra dhe të lunaparqeve. Ngarkesa llogaritet në bazë ditore.	m ²	0.50 €
4	Tavolinat lëvizëse për shitjen e urimeve, panoramave dhe fotografive artistike, librave, bizhuterive, gjërave dekorative, mjeteve piroteknike CD- kasetave dhe të	m ²	1 €

	ngjashme . Ngarkesa llogaritet në bazë ditore.		
5	Promovimi i produkteve të biznesit. Ngarkesa llogaritet në bazë ditore.	m ²	0.50 €
6	Vendosja e reklamave para objekteve afariste në pronën e komunës. Ngarkesa llogaritet në bazë vjetore.	m ²	50 €
7	Aparatet dhe skarat për përgaditjen e produkteve ushqimore, i cili së bashku me shtëpizën e aparatit, nuk kalon sipërfaqen prej 2m ² . Ngarkesa llogaritet në bazë mujore	m ²	10 €
8	Automjete lëvizëse për shitjen e ushqimit të shpejtë, automjet i veçantë i atestuar për kryerjen e veprimtarisë për shitjen e ushqimit të shpejtë. Ngarkesa llogaritet në bazë mujore	m ²	20 €
9 .	Vendosja e muraleve në fasadat e ndërtesave. Ngarkesa llogaritet në bazë mujore.	m ²	30 €
10.	Ekranet dhe reklamat elektronike . Ngarkesa llogaritet në bazë mujore.	m ²	50 €
11.	Vendosja e gjeneratorëve në sipërfaqen publike. Ngarkesa llogaritet në bazë vjetore.	m ²	50 €
12.	Vendosja e kabinave telefonike. Ngarkesa llogaritet në bazë vjetore	m ²	100 €

4. Nga pagesa e taksës në numrin rendor 4 - Tavolinat lëvizëse për shitjen e urimeve, panoramave dhe fotografive artistike, librave, bizhuterive, gjërave dekorative, mjeteve piroteknike CD- kasetave dhe të ngjashme janë të liruar shitësit e librave.

5.) Neni 14 - Taksë për marjen e pëlqimit për Mbrojtje nga zjarri fshihet me gjithë përmbajtjen e tij.

Neni 3 Hyrja në fuqi

1. Kjo Rregullore hyn në fuqi 7 ditë pas publikimit të Ueb faqen e Komunës.

15Nr. 011-2021/18
Lipjan, më 30.03. 2018

KUVENDI I KOMUNËS LIPJAN

KRYESUESI I KUVENDIT
Daut Azemi

